

Inatsisip allanngortinneqarnissaanut siunnersuummut oqaaseqaatit

## Oqaaseqaatit nalinginnaasut

### 1. Aallaqqaasiut

*Inatsisip allanngortinneqarnissaanut siunnersuummut tunuliaqut*

Tarnimikkut nappaatilinnik kiffaanngissusiaaneq allatigullu pinngitsaaliisummik iliuseqarneq pillugu Inatsisartut Inatsisaat nr. 24, 3. decembari 2012-meersup ulloq 1. juuli 2013-mi atuutilernerata kingorna inatsisip piviusunngortinneqarnera aallartippoq. Tassunga atatillugu Kalaallit Nunaanni nutaatut napparsisunut siunnersortit arlallit atorfinitsinneqarput. Sulinermi tassani Peqqissutsimut Naalakkersuisoqarfiup uparuarpa, Kalaallit Nunaanni eqqartuussisoqarnermi aqqissuussinerup nutaap malitsigisaanik napparsimasunut siunnersortinut atatillugu pisinnaatitsineq pillugu Kalaallit Nunaanni Eqqartuussivimmi Eqqartuussisumiippat tulluarnerussasoq.

Taamaattumik siunnersuutigineqarpoq, napparsimasunut siunnersortinngortitsinerit aamma napparsimasunut siunnersortinik napparsimasunut siunnersortit pillugit allattuivimiinngitsunik atorfinitsitsinernut aalajangiinerit pillugit maalaaruteqarnerit, taamaalilluni siunissami Kalaallit Nunaanni Eqqartuussivimmi Eqqartuussisup aalajangiiffigisassavai. Napparsimasunik siunnersortinik atorfinitsitsinermut piginnaatitaaneq Kalaallit Nunaanni Eqqartuussivimmi Eqqartuussisumit tiggummineqareerpoq. Matuma kingorna napparsimasunut siunnersortinut tunngatillugu pisinaatitsissut Kalaallit Nunaanni Eqqartuussiveqarfimmi aalajangiiffiusartumi tassani ataatsimoortinneqalissaaq.

Kisianni Kalaallit Nunaanni Eqqartuussisarnermut inatsit eqqartuussivimmi suliat pillugit malittarisassanik imaqartoq Kalaallit Nunaanni eqqartuussiveqarnermi ataqatigiimmik aqqissuussaasoq sulianik tunniussinissami piffissamut killiliussaqaanngilaq. Tarnimikkut Nappaatillit Maalaarutaannik Aalajangiisartut pilersinneqalerneranni apeqqut taanna oqaluuserineqarpoq.

Tarnimikkut Nappaatillit Maalaarutaannik Aalajangiisartut aalajangiinerinut maalaarutit saqqummiunneqarnerinut piffissamut killiliussat siunnersuutigineqassasut aalajangiunneqarpoq, ilaatigut qulakkeerniarlugu, suliap sapinngisamik sukkanerpaanik eqqartuussivinnut saqqummiunneqarnissaa.

Tamatuma saniatigut Tarnimikkut Nappaatillit Maalaarutaannik Aalajangiisartut aalajangiinerinut maalaarutigineqartut siunnersuut malillugu Kalaallit Nunaanni Eqqartuussivimmi Eqqartuussisumut saqqummiunneqassapput, matumuuna tarnimikkut

nappaateqarlutik napparsimasut pinngitsaaliinikkut pineqartut inatsisitigut isumannaannerulernissaat anguniarlugu.

Pinngitsaaliilluni iliuitsinut nalunaarsuivimmi nalunaarsukkat aamma nalunaarsuineq pillugu siunnersuummut tunuliaqutaasoq tassaavoq, immikkoortortaqaqfiup pinngitsaaliilluni iliuitsinut nalunaarsuivimmi ilanngussinerit nalunaarsuisussaaneq pillugu malittarisassat eqquutsinneqarniissat ilaatinngitsuunngilaa.

Kiisalu pisariaqartoq inatsimmi allannguutit ataasiakkaat aqqissuisunit allanngortinneqarnissaat pisariaqartoq paasinarsivoq.

*Inatsisissatut siunnersuutip imarisai*

Pinngitsaaliilluni iliuitsinut nalunaarsuivimmik nalunaarsuineq aamma nalunaarsuineq pillugu siunnersuummi immikkoortortaqaqfimmil pinngitsaaliilluni iliuitsinut nalunaarsuivimmi nalunaarsukkat ilassutigineqartut peqatigitillugu napparsimasumut nalunaarsuiffimmik ilaneqarnissaat pingaaruteqartoq erseqqissarneqarpoq.

Pisinnaatitsineq kredsdommerimiit Kalaallit Nunaanni Eqqartuussivimmi Eqqartuussisumut imatut pisoqartillugu siunnersuutikkut nuunneqarpoq:  
Napparsimasunut siunnersortimik napparsimasunut siunnersortit pillugit allattuivimmiittumik allamik atorfitsitsisoqarnissaa pillugu napparsimasup qinnuiginninneranik akuersinnginnermik aalajangiinerit pillugit maalaaruteqartoqartillugu. Napparsimasunut siunnersortimik napparsimasunut siunnersortit pillugit allattuivimmiinngitsumik atorfitsitsinermi.

Aammattaaq siunnersuut aqqutigalugu Tarnimikkut Nappaatillit Maalaarutaannik Aalajangiisartut aalajangigaannut maalaaruteqarnerit suliarineqartarnerat kredsrettimiit, takuuk Kalaallit Nunaanni eqqartuussisarnermut inatsimmi malittarisassat, kapitali 28, Kalaallit Nunaanni Eqqartuussivimmi Eqqartuussisumut nuunneqassaaq.

Siunnersuut aqqutigalugu Tarnimikkut Nappaatillit Maalaarutaannik Aalajangiisartut aalajangigaannut maalaarutit saqqummiunneqartarnerinut piffissammut killiliussat atuutilersinneqassapput.

## **2. Siunnersuummi immikkoortut pingaarnerit**

*Inatsisit atuuttut*

Napparsimasunut siunnersortimit tulliuuttumit allaanerusumik atorfitsitsinissaq pillugu aalajangiinerit inatsisit atuuttut malillugit kredsdommerimut maalaarutigineqarsinnaapput. Aammattaaq napparsimasunut siunnersortimik napparsimasunut siunnersortit pillugit

allattuvimmiinngitsumik atorfinitsitsineq pillugu inatsisit atuuttut malillugit kredsdommeri aalajangiisaaq.

Inatsisit atuuttut malillugit, takuuk, Kalaallit Nunaanni eqqartuussisarnermut inatsimmi malittarisassat, kapitali 28, Tarnimikkut Nappaatillit Maalaarutaannik Aalajangiisartut aalajangigaannut maalaarutitut kredsdommeri suliarinnittuusarpoq.

Kiisalu inatsit atuuttoq malillugu, takuuk, Kalaallit Nunaanni eqqartuussisarnermut inatsimmi malittarisassat, kapitali 28, Tarnimikkut Nappaatillit Maalaarutaannik Aalajangiisartut aalajangigaannut maalaarutit saqqummiunnissaannut piffissanut killiliussanik aalajangersagaqanngilaq.

### *Inatsisissatut siunnersuutip imarisai*

Immikkoortorta qarfiup pinngitsaaliilluni iliuutsinut nalunaarsuivimmut nalunaarsuinissaa aamma nalunaarsuineq, immikkoortorta qarfiup pinngitsaaliilluni iliuutsinut nalunaarsuineranut ilanngussat taamatut napparsimasumut nalunaarsuiffik pillugit siunnersuutip aalajangersarpaa.

Napparsimasunut siunnersortimik napparsimasunut siunnersortit pillugit allattuvimmik tulluutinngitsumilli atorfinitsitsineq pillugu aalajangiinerit Kalaallit Nunaanni Eqqartuussivimmi Eqqartuussisumut maalaarutigineqarsinnaanerat siunnersuummi napparsimasunut siunnersortit atorfinitsinneqarneri pillugit aalajangersarneqarpoq. Napparsimasunut siunnersortimik allattuvimmiinngitsumik atorfinitsitsineq pillugu Kalaallit Nunaanni Eqqartuussivimmi Eqqartuussisup aalajangiisinnaanera siunnersuummi aamma aalajangersarneqarpoq.

Napparsimasunut siunnersortinik atorfinitsitsinerit maalaaruteqartarnerillu pillugit pisinnaatsineq Kalaallit Nunaanni Eqqartuussivimmi Eqqartuussisumut allannguutitigit ataatsimoortinneqarpoq.

Aammattaaq Tarnimikkut Nappaatillit Maalaarutaannik Aalajangiisartut aalajangigaannut maalaarutit Kalaallit Nunaanni Eqqartuussivimmi Eqqartuussisumit suliarineqartassat aalajangersarneqarpoq.

Tarnimikkut Nappaatillit Maalaarutaannik Aalajangiisartut aalajangigaannut maalaarutit saqqummiunnissaannut piffissamut killiliussaq pillugu siunnersuummi aalajangersarneqarpoq, aalajangiisartut aalajangiinerata kingorna sapaatip akunneri sisamat qaangiutsinnagit maalaarut saqqummiunneqassasoq. Peqatigitillugu piffissaliussamut killiliussaq saneqqunneqarsinnaavoq, tamatumunnga immikkut ittumik pissutissaqarpat. Taanna

immikkut piffissamut killiliussat aalajangiisartut aalajangiineranniit qaammatit arfinillit angullugit ingerlasinnaavoq.

<b>Inatsisissatut siunnersuut inatsimmut atuuttumut sanilliullugu</b>	
<i>Maannakkut oqaasertai</i>	<i>Inatsisissatut siunnersuut</i>
	<b>§ 1</b> Inatsisartut inatsisaat nr. 24, 3. december 2012-meersoq imatut allanngortinneqassaaq:
<p><b>§ 12. ---</b> <i>Imm. 6.</i> Imm. 4 naapertorlugu pinngitsaaliissummik iliuseqartoqarnissaa pillugu nakorsaanerup aalajangiinissaa sioqqullugu, napparsimasoq akuersissuteqarnissamut naammaginartumik piffissalerlugu eqqarsarfissinneqassaaq. Eqqarsarfissamut piffissaq naleqquttumik sivisussuseqassaaq ullulli pingasut sinnernagit.</p> <p><b>§ 30.---</b> Pinngitsaaliilluni iliuseqarnerit tamaasa pillugit paasissutissiineq, takuuk. §§ 5-10, § 12, § 17, §§ 19 – 22, malillugit pinngitsaaliissuteqarnerup malitseqartinneqarnera, § 23 naapertorlugu nakorsaatissamik innersuussinerni tamani, § 24 nalunaaquttap akunnerinik 24-nik sivisunerusumik ataannartumik inummut namminermt immikkut nakkutilliinermut tunngatillugu aamma § 26 , akuliunnerup erseqqinnerusumik imarisaa tunngavilersuutigineqartorlu oqaatigalugit immikkoortortaqarfiup pinngitsaaliinikkut iliuitsinik nalunaarsuiffiinut ilanngunneqassaaq.</p>	<p><b>” 1. § 12, imm. 6 imatut oqaasertalerneqarpoq:</b> ”<i>Imm. 6.</i> Pinngitsaaliissummik iliuseqartoqarnissaa pillugu nakorsaanerup aalajangiinissaa sioqqullugu imm. 5 malillugu, napparsimasoq naammaginartumik piffissalerlugu, katsorsartinnissamut akuersissuteqarnissamut napparsimasoq qanoq kisaateqarnerluni eqqarsarfissinneqassaaq. Eqqarsarfissiinneqarneq naleqquttumik sivisussuseqassaaq, ullulli pingasut sinnernagit napparsimasoq eqqarsarfissinneqassaaq.”</p> <p><b>2. §-30, imm. 1. imatut oqaasertalerneqassaaq:</b> ”Pinngitsaaliilluni iliuseqarnerit tamaasa pillugit paasissutissiineq, takuuk. §§ 5- 10, § 12, § 17, §§ 19 – 22, malillugit pinngitsaaliissuteqarnerup malitseqartinneqarnera, § 23 naapertorlugu nakorsaatissamik innersuussinerni tamani, § 24 nalunaaquttap akunnerinik 24-nik sivisunerusumik ataannartumik inummut namminermt immikkut nakkutilliinermut tunngatillugu aamma §</p>

**§ 33. ---**

*Imm. 3.* Siunnersortinngortsinniagaq pillugu oqaaseqaateqarnissamut napparsimasoq periarfissinneqassaaq. Nalunaarsuiffimmi allassimasumik allamik siunnersorteqarnissaaq napparsimasup kissaatigippagu, sapinngisaq naapertorlugu kissaataa akuerineqassaaq. Aalajangiineq kredsdommerimut naammagittaalliutigineqarsinnaavoq.

*Imm. 4.* Napparsimasunut siunnersortit nalunaarsorsimaffianni allassimanngitsumik siunnersorteqarnissani napparsimasup kissaatigippagu, imm. 2 naapertorlugu nalunaarsuiffimmi tullinnguuttoq utaqqiisaasumik siunnersortinngortinneqassaaq. Napparsimasup toqqagaata siunnersortinngorsinnaanera Kredsdommerip aalajangiivigissavaa. Napparsimasup kissaataa akornutissaqanngippat akuerineqassaaq.

**§ 43.---**

*Imm. 3.* Pinngitsaaliisummik iliuseqarfigineqarneq pillugu maalaarutit § 39, imm. 3 naapertorlugu, Tarnimikkut Nappaatillit Maalaarutaannik Aalajangiisartut naliliinissaasa tungaannut pinngitsaaliisummik iliuseqarnissap kinguartinneqarsinnaasut, maalaarutip tiguneraniit ullut arfineq marluk qaangiutsinnagit Tarnimikkut Nappaatillit Maalaarutaannik Aalajangiisartut aalajangiivigissavaat. Maalaarutit allat Tarnimikkut Nappaatillit Maalaarutaannik Aalajangiisartut sapinngisamik piaarnerpaamik aalajangiivigissavaat. Maalaarutip tiguneraniit ullut 14-it qaangiunneranni

26 , akuliunnerup erseqqinnerusumik imarisaa tunngavilersuutigineqartorlu oqaatigalugit immikkoortorta qarfiup pinngitsaaliinikkut iliuitsinik nalunaarsuiffiint ilanngunneqassaaq. Pinngitsaaliilluni iliuitsit immikkoortortami nalunaarsuivimmut allatorneqartut assilineqarneri taamaalilluni aamma napparsimasoq pillugu allattugaatinut ilanngunneqassapput.”

**3.** § 33, imm. 3-4, imatut oqaasertalerneqarput:

”*Imm. 3.* Siunnersortinngortsinniagaq pillugu oqaaseqaateqarnissamut napparsimasoq periarfissinneqassaaq. Nalunaarsuiffimmi allassimasumik allamik siunnersorteqarnissaaq napparsimasup kissaatigippagu, sapinngisaq naapertorlugu kissaataa akuerineqassaaq. Aalajangiineq Kalaallit Nunaanni Eqqartuussivimmi Eqqartuussisumut naammagittaalliutigineqarsinnaavoq.

*Imm. 4.* Napparsimasunut siunnersortit nalunaarsorsimaffianni allassimanngitsumik siunnersorteqarnissi napparsimasup kissaatigippagu, imm. 2 naapertorlugu nalunaarsuiffimmi tullinnguuttoq utaqqiisaasumik siunnersortinngortinneqassaaq. Napparsimasup toqqagaata siunnersortinngorsinnaanera Kalaallit Nunaanni Eqqartuussivimmi Eqqartuussisup aalajangiivigissavaa. Napparsimasup kissaataa akornutissaqanngippat akuerineqassaaq.”

**4.** § 43, imm. 3, imatut oqaasertalerneqarpoq:

”*Imm. 3.* Pinngitsaaliisummik

<p>aalajangiisoqarsimangippat, Aalajangiisartut tamatumunnga patsisaasumik qaqugulu aalajangiisoqarnissaata naatsorsuutigineqarnera pillugit, napparsimasoq siunnersortaalu ilisimatissavaat.</p> <p><b>§ 44.---</b> Napparsimasup siunnersortaataluunniit noqqaassuteqarneragut, pinngitsaaliissummik unitsitaaneq, pinngitsaaliissummik, uninngavimmut utinngitsoortumik pinngitsaaliissummik utertitsineq, pinngitsaaliissummik katsorsaaneq, § 17 naapertorlugu angerlartitaareersumik pinngitsaaliissummik malittarinninneq, nukersorfiginninneq, napparsimasoq illersorniarlugu pinngitsaaliissummik aalaakkiineq, nal. ak. 24-it sinnerlugit ataannartumik immikkut nakkutilliineq, matunillu parnaarsineq pillugit aalajangikkat, Kalaallit Nunaanni eqqartuussisaaseq pillugu inatsimmi kapitali 28-mi maleruagassat naapertorlugit, Tarnikkut Nappaatillit Maalaarutaannik Aalajangiisartut aalajangiussatik eqqartuussivimmut tunniutissavaat.</p>	<p>iliuuseqarfigineqarneq pillugu maalaarutit § 39, imm. 3 naapertorlugu, Tarnimikkut Nappaatillit Maalaarutaannik Aalajangiisartut naliliinissaasa tungaannut kinguartinneqarsinnaasut, maalaarutip tiguneraniit ullut arfineq marluk qaangiutsinnagit Tarnimikkut Nappaatillit Maalaarutaannik Aalajangiisartut aalajangiivigissavaat. Maalaarutit allat Tarnimikkut Nappaatillit Maalaarutaannik Aalajangiisartut sapinngisamik piaarnerpaamik aalajangiivigissavaat. Maalaarutip tiguneraniit ullut 14-it qaangiutsinnagit aalajangiisoqarsimangippat, Aalajangiisartut tamatumunnga patsisaasoq kiisalu qaqugu aalajangiisoqarnissaa naatsorsuutigineqarnera pillugit, napparsimasumut siunnersortaanullu ilisimatitsissutigissavaat.”</p> <p><b>5. § 44, imm. 1, imatut</b> oqaasertalerneqarpoq: ” Napparsimasup siunnersortaataluunniit noqqaassuteqarneragut, pinngitsaaliissummik unitsitaaneq, pinngitsaaliissummik, uninngavimmut utinngitsoortumik pinngitsaaliissummik utertitsineq, pinngitsaaliissummik katsorsaaneq, § 17 naapertorlugu angerlartitaareersumik pinngitsaaliissummik malittarinninneq, nukersorfiginninneq, napparsimasoq illersorniarlugu pinngitsaaliissummik aalaakkiineq, nal. ak. 24-it sinnerlugit ataannartumik immikkut nakkutilliineq, matunillu parnaarsineq pillugit aalajangikkat, Kalaallit Nunaanni Eqqartuussivimmi Eqqartuussisumut Tarnikkut Nappaatillit Maalaarutaannik Aalajangiisartut aalajangiussatik eqqartuussivimmut tunniutissavaat. Suliap saqqummiunneqarnissaanut</p>
---	---

	<p>qinnuteqaat Tarnimikkut Nappaatillit Maalaarutaannik Aalajangiisartut aalajangiineranniit sapaatip akunnerisa sisamat iluanni saqqummiunneqassaaq. Tarnimikkut Nappaatillit Maalaarutaannik Aalajangiisartut aalajangiinerata kingorna qaammatit arfinillit angullugit kingusinnerusumik qinnuteqaat saqqummiunneqarsinnaavoq, piffissamut killiliussap sanioqqunnissaanut immikkut ittumik pissuteqarpat Kalaallit Nunaanni Eqqartuussivimmi Eqqartuussisoq qaqutigoortumik akuersissuteqassaaq.”</p>
	<p style="text-align: center;"><b>§ 2</b></p> <p>Inatsisartut inatsisaat atuutilerpoq ulloq 1. september 2015.  <i>“Imm. 2. § 33, imm. 3, naapertorlugu maalaarutit aalajangiiffigineqarneri inatsisissatullu allannguutip atuutilernissaa sioqqullugu kredsrettimut qinnuteqaatit tunniunneqartut aamma § 33, imm. 4, naapertorlugu saqqummiunneqartut inatsisitullu allannguutip atuutilernerani suliaralugit naammassineqanngitsut, Kredsretti naammassillugit suliarineqassapput.”</i></p>

**3. Pisortanut aningaasatigut allaffissornikkullu kingunissai**

Siunnersuut pisortanut aningaasatigut allaffissornikkullu kinguneqassanngilaq.

**4. Inuussutissarsioortunut aningaasatigut allaffissornikkullu kingunissai**

Siunnersuut inuussutissarsioortunut aningaasatigut allaffissornikkullu kinguneqassanngilaq.

**5. Avatangiisinut, pinngortitamut innuttaasullu peqqissusiannut kingunissai**

Siunnersuut avatangiisinut, pinngortitamut innuttaasullu peqqissusiannut kinguneqassanngilaq.

**6. Innuttaasunut kingunissai**

Siunnersuut napparsimasunut siunnersortit pillugit aalajangiinerit tamarmik eqqartuussivimmi immikkoortumi ataatsimi suliarineqarsinnaalernerannik kinguneqassaaq.

Aammalu allannguutissatut siunnersuut isumaqarpoq, pinngitsaalisaalluni pineqartumut innuttaasumut inatsisitigut innarlitsaalisaaneq annerusumik nukittorsarneqassasoq.

#### **7. Kingunissai pingaarutillit allat**

Siunnersuut pingaarutilinnik allanik kinguneqassanngilaq.

#### **8. Pisortanut kattuffinnullu tusarniaaneq**

Siunnersuut piffissami uani 13. decembari 2013-imi – 15. januaari 2014-imi tusarniaanermi peqataasuni ukununnga tusarniaassutigineqarpoq:

Naalackersuisoqarfiit tamarmik

Kommunit tamarmik

KANUKOKA

Nunatsinni nakorsaaneq

Nunap immikkoortuini peqqinnissaqarfiit Peqqinnissaqarfimmit Aqutsisunut attaveqartut

LKF Kalaallit Nunaanni Lægekredsforeningi

Kalaallit Nunaanni Peqqissaasut Kattaffiat, Peqqinnissaq Pillugu Kattaffiit

Nunatta Eqqartuussivia

Kalaallit Nunaanni Eqqartuussivik

Kalaallit Nunaanni Politimesteri

Dronning Ingridip Napparsimavissuani Tarnimikkut nappaatilinnut immikkoortortaqaarfik

Sugisaq – Tarnimikkut eqqarsartaatsimikkullu nappaatillit ilaqutaasa il.il. peqatigiiffiat

Inaarutaasumik allannguutissatut siunnersuut Tusarniaavimmut ikkunneqassaaq

Tusarniaanermut akissuteqaat ilanngussaq innersuussutigineqarpoq.

### **Inatsisissatut siunnersuummi aalajangersakkanut ataasiakkanut nassuiaatit**

#### *§ 1-mut*

Nr. 1 ( § 12, imm. 6) pillugu

Allannguneq oqaaseqatigiinnik aqqissuineruvoq. Oqaaseqatigiinni atuuttuni imm. 4 innersuunneqarpoq, tassani imm. 5 pineqarpoq. Kiisalu oqaaseqatigiit alanngorneqarput atuaruminarninngorlugit.

Nr. 2 ( § 30, imm. 1) pillugu

Pinngitsaaliilluni iliuseqarnerit tamaasa immikkoortortami nalunaarsuivimmut allatorneqarneqarnissai pillugit aalajangersaaneq pisussaajunnaarsitsinngilaq malittarisassat



allat aamma malinneqarnissaannut nalunaarsuivimmut allattuisarneq pillugu. Allannguutip siunnersuutaasup uniffiup kingorna ilanngunneqartup aalajangerpaa immikkoortortami nalunaarsuivimmut ilanngussat aamma napparsimasup allattuivianut ilanngunneqassasut.

Nr. 3 (§ 33, imm. 3-4) pillugu

Aalajangersakkap pisinnaatitaaneq alanngortippaa napparsimasup kissaateqarneranik siunnersortimik pisinnaatitassamik akuersinnginnermik aalajangiinerit pillugit maalaaruteqartoqartillugu napparsimasunut siunnersortimik napparsimasunut siunnersortit pillugit Kalaallit Nunaanni Eqqartuussivimmi Eqqartuussisup allattuivimmiinngitsumik .

Nr. 4 (§ 43, imm. 3) pillugu

Allannguineq oqaaseqatigiinnik aqqissuineruvoq. Oqaaseqatigiit alanngorneqarput aalajangersagaq atuaruminarninngorlugu.

Nr. 5 (§ 44, imm.1) pillugu

Allannguutaasoq imaappoq Tarnimikkut Nappaatillit Maalaarutaannik Aalajangiisartut aalajangiinerannik maalarutit Kalaallit Nunaanni Eqqartuussivimmi Eqqartuussisup suliarissavaa. Allannguinerup Napparsimasunillu siunnersorteqalernerup anguniagaraa tarnimikkut napparsimasut inatsisitigut innarlitsaalisaanissaat pinngitsaaliissummik iliuseqarfigineqarnermik pineqaatissinneqarsimasut.

Aalajangersakkap Tarnimikkut Nappaatillit Maalaarutaannik Aalajangiisartut aalajangiinerannut maalaarummik Nunatta eqqartuussiviani eqqartuussisumut tunniussinissamut piffissaq killeqartinneqarpoq.

Killigititaq tunngaviatigut tassa Tarnimikkut Nappaatillit Maalaarutaannik Aalajangiisartut aalajangiineranniit sapaatip akunneri sisamat qaangiutsinnagit tunniussinissaq.

Killigititap sunniutiginiarpaa suliassap eqqartuussivimmut piaarnerpaamik tunniunneqarnissaa. Napparsimasup pisimasumik eqqaamanninnera ersarinniassammat suliap saqqummiunnerani.

Kiisalu pisariaqarmat killigititaq qaangerneqarsinnaanera immikkut pisariaqassappat, napparsimasoq periarfissaqarnissaanut akornuseqqunagu pinngitsaaliissummik aalaakkiinerup misilinneqarnissaanut, naak maalaarut sapaatit akunneri sasamanik killigititaq qaangerneqareeraluartoq.

Immikkut ittumik pissuteqarpat Kalaallit Nunaanni Eqqartuussivimmi Eqqartuussisoq qaqutigoortumik akuersissuteqassaaq Tarnimikkut Nappaatillit Maalaarutaannik Aalajangiisartut aalajangiinerata kingorna qaammatit arfinillit angullugit kingusinnerusumik qinnuteqaat saqqummiunneqarnissaanut.

Tarnimikkut Nappaatillit Maalaarutaannik Aalajangiisartut aalajangiinerata qaammatit arfinillit qaangiutereernerisigut maalaarut suliarineqarsinnaassanngilaq.

§ 2-mut

Inatsit qaqugu atuutilissanersoq aalajangersakkap aalajangersassavaa.

*Imm.* 2. § 33, imm. 3, naapertorlugu maalaarutit aalajangiiffigineqarneri inatsisissatullu allannguutip atuutilernissaa sioqqullugu kredsrettimut qinnuteqaatit tunniunneqartut aamma § 33, imm. 4, naapertorlugu saqqummiunneqartut inatsisitullu allannguutip atuutilernerani suliaralugit naammassineqanngitsut, kredsrettimi naammassillugit suliarineqassapput. Taamaalilluni § 33, imm. 3, naapertorlugu maalaarutit aalajangiiffigineqarneri, aamma § 33, imm. 4 naapertorlugu saqqummiunneqartut, inatsisissatullu allannguutip atuutilernissaa sioqqullugu kredsrettimi tiguneqartut piffissamilu tassani inatsisissap atuutilernerani suliaralugit naammassineqanngitsut, kredsrettimit suliaralugit naammassineqassaput. § 33, imm. 3, naapertorlugu aalajangiinernut maalaarutit, aamma § 33, imm. 4 naapertorlugu qinnuteqaatit saqqummiunneqartut, inatsisissatut allannguutip atuutilereernerat kingorna tiguneqartut, Kalaallit Nunaanni Eqqartuussivimmut nassiunneqassapput, matuma kingorna maalaarut qinnuteqaalluunniit suliarissavaa.